

中华
医学
大辞典

谢观 主编

(上卷)

辽宁科学技术出版社

大

中

辞

华

典

医

谢观 主编

上卷)

辽宁科学技术出版社

学

大

中

辞

华

典

医

谢观 主编

(下卷)

辽宁科学技术出版社

学

(辽)新登字4号

图书在版编目 (CIP) 数据

中华医学大辞典 上、下卷/谢观主编·沈阳:辽宁
科学技术出版社, 1994. 8
ISBN-7-5381-1868-3

I. 中...

II. 谢...

III.

IV. R

辽宁科学技术出版社出版发行

(沈阳市和平区北一马路 108 号 邮政编码 110001)

北京世界知识印刷厂

开本: 787×1092 1/16 印张: 116.5 字数: 3,000 千字 插页: 8
印数: 1-3000

1994 年 8 月第 1 版

1994 年 8 月第 1 次印刷

责任编辑: 宋纯智

版式设计: 李 夏 于 浪

封面设计: 曹太文

责任校对: 王 志

ISBN7-5381-1868-3/R·305

定价: 218.00 元

编辑委员会

主 编：谢 观
编 委：武泽民 王志成 卢凤敏 袁建立 李武生
(以姓氏笔划为序)
丁宗礼 王子和 王 明 王寿彭 王寿春
王晓南 文复之 孔玉增 孙建伟 冯志龙
冯国征 许正良 李 虹 李世荣 刘培德
刘 峰 苏锐石 吴 平 吴京生 杨国良
杨德成 张光路 张海涛 张祖新 陈 志
陈隆玉 周文新 周立丰 赵蕴馥 袁长季
钱和昆 钱钟超 梁志栋 梁哲学 曾 骥
陶希金 陶胜平 翁海江 黄红伟 崔玉德
蒋卫忠 路玉章 黎世原 潘志伟
责任编辑：宋纯智

序 言

以中国文化之盛，疆域之广，地形气候之殊，疾病种类之多，与相传治病之法，名医论说之众，浩如烟海，若深山大泽。中医理论，特别是古今医籍，如汗牛充栋。或奥质难明，或讹夺莫正；或囿于一地，陷于一偏，或意求浩博，驳杂不纯；或思惊虚玄，茫昧难解。举要删繁，莫如辞典。乃合编者互相考校，凡集籍所载，无论其为人体生理、病名、证候、以及治疗之法、方药之名，旁引医书之内容、医家之事迹，莫不条分缕析，博采兼搜，删其繁复，裁其空论。本辞典搜书近三千种，网罗散佚，远及韩日，考释滞疑，博采海内通人之论。举目七万余条，成书五百万字。庶为研求中医者挈其纲领，是为区区之愿。

海内弘达，幸垂教之

编 者

一九九四年五月识

凡 例

一、是编搜集之名词，以中国原有医书所载者为限，故定名为《中华医学大辞典》。

二、是编所辑名词，可分为病名、药名、方名、身体、医家、医书、医学七大类。

三、病名首述致病之源，次述治疗之法，凡有益于治病者，如导引等术，亦皆采入。

四、同为一病，而性质种类不同者，必析为多条，以清眉目。如咳嗽似为一病，然咳有心咳、肝咳、脾咳、肺咳、肾咳、胃咳、胆咳、大肠咳、小肠咳、膀胱咳、三焦咳、心包络咳、新咳、久咳、干咳、燥咳、晨咳、睡咳、午前咳、黄昏咳、五更咳、日轻夜重咳之别；嗽有心嗽、肝嗽、肺嗽、脾嗽、肾嗽、胃嗽、胆嗽、膈嗽、春嗽、夏嗽、秋嗽、冬嗽、寒嗽、热嗽、湿嗽、气嗽、痰嗽、血嗽、酒嗽、火嗽、劳嗽、虫嗽、郁嗽、暴嗽、久嗽、产嗽、虚寒嗽、虚热嗽、冷热嗽、食积嗽、饮食嗽、内风嗽、漏风嗽、天行嗽、畜血咳嗽、醋呛咳嗽、食盐哮喘、七情饥饱嗽、寒包热咳嗽、热包寒咳嗽、形寒饮冷嗽之殊。又有因咳嗽而失音，因咳嗽而吐血，因咳嗽而肩背痛，因咳嗽而胁痛，因咳嗽而痰食俱出，因咳嗽而呕吐并作者。则以咳嗽为总条，其余诸证为分条，通治法列于总条之中，专治法列于分条之中。其余各病，依此类推。

五、分条之首字，与总条之首不同者，则分条之尾，必加〔参看总条〕之句。使学者于此病有关系各条，皆有线索可寻（其彼此首字相同，则排列本相联贯，毋庸更加此句）。

六、各种药品，无论动、植、矿物，皆广为收录，首述形态，次述性质，再述功用，其专长喜恶及制法用法，则以杂论括之。

七、药名条形态，皆根据近日动、植、矿物学说而附之以图。俾学者不但知其名，并识其物。

八、植物之根须花叶，动物之羽毛齿角等，其性质功用有与全体不同者，皆别为分条。

九、药名之别为分条者，于总条之形态项下，必加〔〕符号为标识。凡有此标识者，加本名检查即得。如紫苏条中之〔子〕〔叶〕〔茎〕皆加〔〕号，则宜另查苏子、紫苏叶、紫苏茎各条是。

十、古今医方，不下数万，然流传虽多，通用者实不过万余，本编采录，即此为限。

十一、方名先述功用，次述药品，次述制法，次述加减法，其君臣佐使之配合，概以杂论括之。

十二、同一方名，而各书所载药品及功用不同者，则备列以资比较。其同异仅一二味，或仅于分量有出入者，则但注明于下，不别列方。

十三、方名之上冠以书名，如《千金》、《外台》、《本事方》之类，已成习惯者，亦皆别

列一条，存其名以备查检。惟该方之内容，仍归入原有方名条内，以便与各方比较同异，如千金三黄汤，虽另列一条，而其内容则载于三黄汤条下是；方名之上，冠以人名，如河间、东垣、丹溪、景岳之类，虽已成习惯者，仍除去人名，以免淆混。如东垣补中益气汤，但称补中益气汤，景岳十全大补丸，但称十全大补丸是。

十四、身体名词，习见者虽不过数十，而散见于古今医籍者，实不下数百。兹编皆广为收辑，并详加解释。

十五、脏腑骨肉，皆释明其构造、功用及防卫之法，今日生理学说有可证吾国旧籍者，亦略为诠注，并附以图。

十六、十二经络为我国研究病理之统系，三百六十五俞穴，为十二经络所灌注，故于经络则附以各穴部位之图，各穴则详载其针灸疗病之法。

十七、脉象及舌苔，为中医诊察要项，故亦逐条详释，于舌苔并附以图。

十八、历代医家，六朝以前，有见必录，唐以后，则择其著者录之。

十九、名医事实，皆撮取大概，或注明见于某书。其有治效足资师法，而原书不甚习见者，间载其详。

二十、《四库》著录之医籍，不过百余种，本书搜罗旧籍，傍及朝鲜人、日本人之著作，为提要二千余种，藉为考订古今医籍之阶梯。

二十一、我国医学名词，如温、清、补、夺等十三剂，大方脉、小方脉等十三科，汗、和、下、消等八法，古方分量之沿革，君臣佐使、汤丸膏散之解释，亦皆源本而详释之。

二十二、全书辞条不下七万，排比之法，以首字笔画为序，首字相同者，则以次字笔画为序，依此类推；另设辞头索引、辞条索引，以便检索。

二十三、书中难字，采用直音注音。

总目录

序 言.....	1—2
凡 例.....	3—4
辞头索引.....	1—16
辞条索引.....	1—207
正 文.....	1—1620

— 画 —

一上散 ①张洁古方。〔功用〕疗蝎螫痛。〔药品〕生半夏、雄黄（另研）各一字，巴豆一个（去皮，研如泥）。〔用法〕研为细末，和匀敷之。②朱丹溪方。〔功用〕疗疥疮痛痒，或喜汤火烘洗。〔药品〕蛇床子（略炒）、雄黄（另研）、黑狗脊、寒水石（另研）、白胶香（铜铤熬熔过，倾干石头上放冷）各一两，白矾、黄连各五钱，吴茱萸三钱，硫黄二钱五分（另研），斑蝥十四枚（去翅足）。〔用法〕研为细末，先以苍耳草或羊不食草藤浓煎汤，洗去疮痂，然后用香油调敷。③《证治准绳》方。①〔功用〕疗皮肤燥痒生疮。〔药品〕苦参一两，白芷、焰硝、枯矾各五钱，荆芥穗、白及各三钱，寒水石二两（煨）。〔用法〕研为末，油调涂。②〔功用〕疗疥癣。〔药品〕雄黄、熟硫黄、黑狗脊、蛇床子（炒）各五钱，寒水石六钱，斑蝥（去翅足，研碎）三个。〔用法〕先以雄黄、硫黄、寒水石研如粉，次入斑蝥和匀，蛇床子、黑狗脊另为细末，同研匀，洗疥癣令汤透去痂，油调手中擦热，鼻中嗅二三次擦上，可一上即愈。如痛甚肿满高起者，加寒水石一倍；如不苦痒，加狗脊，微痒加蛇床子；疮孔中有虫加雄黄；喜火炙汤烫加硫黄，口臭不止亦可愈。

一井散 《沈氏尊生书》方。〔功用〕治瘤。〔药品〕雄黄、粉霜、硃砂各二钱，轻粉、乳香、没药各一钱，上黄三钱，麝香少许。〔用法〕研为细末，口津调涂瘤顶，盖以湿纸，再用小黄膏涂四围，间日换药一次。

一见知医 六卷。清·陈鄂撰。

一能见医 明清间费启泰撰，见《图书集成》。

一手脉 一手有脉，一手无脉也，平人素有之者，为体质之特征，若平素完全，而病中见之者，为心脏坏象。

一气 阴阳之气。《灵枢·决气篇》：予闻人有精气津液血脉，予意以为一气耳。

一气丹 胡学海方。〔功用〕治一切痈疽、对口、发背、无名大毒。〔药品〕斑蝥（去头足及翅，糯米拌炒）五钱，乳香（去油）、没药（去油）各三钱，雄黄二钱，血竭一钱，麝香一钱五分，冰片七分五厘，玄胡索、玄参各五分。〔用法〕研为极细末，量疮大小，以膏贴之，初起立消，已成易溃，已溃易敛，较之红升丹，其功更捷。

一本堂药选 三卷，日本香川修德撰。取经论之药，区为上中下三品。上品三十九种，中品六十八，下品三十八。其立说：谓气味无关药性，故不录其说。又谓凡药皆贵新不贵陈，既辟泡制，与夫相反相畏相恶诸说不可拘，皆颇新颖。

一甲复脉汤 《温病条辨》方。〔功用〕治下焦温病，阴虚液伤。〔药品〕加减复脉汤去麻仁加牡蛎一两。〔用法〕清水煎服。

一甲煎 《温病条辨》方。〔功用〕治温病体虚汗多，肝阳发动。〔药品〕牡蛎二两（碾细）。〔用法〕清

水八杯，煮取三杯，分温三服。

一代 犹言一止，谓作代脉一次也。《灵枢·根结篇》：五十动而不一代者，五脏皆受气，四十动一代者，一脏无气，三十动一代者，二脏无气，二十动一代者，三脏无气，十动一代者，四脏无气，不满十动一代者，五脏无气。《素问·脉要精微论》：数动一代者，病在阳之脉也。

一母丸 《产乳》方。〔功用〕治子烦。〔药品〕知母二两（洗，焙）。〔制法〕研为细末，枣肉和丸，如弹子大。〔用法〕每服一丸，人参煎汤送下。

一字金 《证治准绳》方。〔功用〕治婴儿七日内，欲成脐风撮口，及卒中急慢惊风，牙关紧闭，痰涎壅上。〔药品〕僵蚕（炒，去丝）、威灵仙（去芦）各四钱，生明矾二钱，细辛（去叶）一钱，生甘草二钱五分。〔用法〕锉焙为末，每服一字至半分，姜汁沸汤调匀，以指抹入牙关内，如卒中急慢惊证，口噤不开，用盐梅汤调，擦上下牙根二处。

一字金丹 《证治准绳》方。〔功用〕治疔毒，及痘疮黑陷倒靥，干枯不起。〔药品〕紫花地丁，金线重楼，山慈姑。〔用法〕研为细末，每服一字，熟汤送下。〔杂论〕此方治危急急证，有起死回生之功。

一字神散 《妇人良方》方。〔功用〕治胎死或胞破。〔药品〕鬼白（黄色者，去毛，碾极细如粉，不用罗，以手指捻之），不拘多少。〔用法〕每服二钱，无灰酒一盏，煎至八分，通口服。

一字散 ①《济生方》方。〔功用〕治头风。〔药品〕雄黄、细辛各一钱（一作各五钱），川乌尖三钱（一作五枚）。〔用法〕研为细末，每服一字，不拘时，姜汁或茶清调下，每日三次。②《必用方》方。〔功用〕治喉闭气塞，饮食不下。〔药品〕雄黄（另研）、白矾、藜芦各一钱，猪牙皂角七个，蝎梢七枚。〔用法〕研为末，每用一字，吹入鼻中，即时吐出涎涎而愈。③《六科准绳》方。①〔功用〕治口内白腐。〔药品〕朱砂、硼砂各五分，龙脑、朴硝各一字。〔用法〕研为极细末，每用少许，蜜调，鹅翎蘸刷口内。②〔功用〕醒风，爽精神。〔药品〕天南星五钱（微炮裂），蝉壳（微炒）、干蝎、白僵蚕各一分。〔制法〕捣罗为细末，加荞麦面一分，用醋石榴壳一枚，纳入诸药，盐泥封裹，灶下慢火烧之，泥干燥为度，取出再研匀。〔用法〕每服一字，温酒调下。③〔功用〕治破伤风。〔药品〕金头蜈蚣一条（去头足，炙）、草乌头、天麻各五钱，全蝎一钱，白芷三钱。〔用法〕研为细末，每服五分，如但发热，茶清调下，寒温，或酒调下，不拘时服。

一扫光 《外科正宗》方。〔功用〕治一切疥疮湿毒、风燥皮痒久不愈者。〔药品〕苦参、黄柏各一斤，烟胶一升，木鳖肉、蛇床子、点红椒、明矾、枯矾、硫黄、枫子肉、樟冰、水银、轻粉各三两，白砒五钱（一方有寒水石、杏仁、雄黄、吴茱萸、火硝、

升药底，无明矾。〔制法〕研为细末，用熟猪油二斤四两，化开，入药搅匀为丸，如龙眼大。〔用法〕用夏布或洋纱包裹，开水内略浸，药从布眼内溢出，取擦患处。

一百一十三方 《伤寒论》方数之称。

一合 十二经脉中第一相合者，指足膀胱经与肾经而言。《灵枢·经别篇》：此为一合。

一阳 ①三阳联合之称。《素问·阴阳离合论》：太阳为开，阳明为阖，少阳为枢，三经者不得相失也，搏而勿浮，名曰一阳。②少阳之别名。《素问·经脉别论》：一阳独啸，少阳厥也。《阴阳类论》：一阳者，少阳也，至手太阴，上连人迎，弦急悬不绝，此少阳之病也。

一阳一阴 脉象。《难经·四难》：一阳一阴者，谓脉来浮而涩也。

一阳二阴 脉象。《难经·四难》：一阳二阴者，谓脉来长而沉涩也。

一阳三阴 脉象。《难经·四难》：一阳三阴者，谓脉来沉涩而短，时一浮也。

一阴 ①刺阴经一次。《灵枢·终始篇》：刺寒厥者，二阳一阴。②三阴联合之称。《素问·阴阳离合论》：太阴为开，厥阴为阖，少阴为枢，三经者不得相失也，搏而勿沉，名曰一阴。③厥阴之别名。《素问·阴阳别论》：二阳一阴发病。《经脉别论》：一阴至，厥阴之治也。

一阴一阳 ①厥阴与少阳。《素问·阴阳类论》：一阴一阳代绝，此阴气至心，上下无常，出入不知，咽喉干燥，病在脾。②脉象。《难经·四难》：所谓一阴一阳者，谓脉来沉而滑也。

一阴二阳 脉象。《难经·四难》：一阴二阳者，谓脉来沉滑而长也。

一阴三阳 脉象。《难经·四难》：一阴三阳者，谓脉来浮滑而长，时一沉也。

一纪 ①一条纲纪，犹言一贯也。《灵枢·官能篇》：推而论之，以为一纪。②天地之气之小会也。《素问·天元纪大论》：五六相合，而七百二十气为一纪，凡三十年。③四年天气周而复始之一小会也。《素问·六微旨大论》：日行一周，天气始于一刻，日行再周，天气始于二十六刻，日行三周，天气始于五十一刻，日行四周，天气始于七十六刻，日行五周，天气复始于一刻，所谓一纪也。

一赤散 《证治准绳》方。〔功用〕疗损伤敷药后起疱者。〔药品〕赤石脂、大黄、石膏（煨）各等分。〔用法〕研为细末，先以梭针挑破，然后掺药。

一把缚 痘疮五六朝，忽然手足拘缩也，此系阳明受泉毒之熬铄，筋络不能荣血所致，宜荈羊散、犀角地黄汤之属。

一块气丸 《证治准绳》方。〔功用〕治伤寒、心膈膨胀、腰痛、咳嗽吐逆、风热闭塞、下元虚冷、大小便秘、脱肛、小肠气、赤白痢，妇人一切血气、血昏、经脉不通、血崩、赤白带下、血块气血、胎前产后诸疾，室女经闭。小儿惊风、脾积、奶脾。〔药品〕官桂、玄胡索、蓬莪茂（泡）、姜黄、缩砂仁、枳实、枳壳、黑牵牛头末、槟榔、大黄（醋煮）、雷丸、使君子肉、白豆蔻、丁香各五钱。芫花（酒浸，炒）、香附子（醋浸）、京三棱（泡）、陈皮（去白）、胡椒各一两，糖球、青皮各一两五钱，川乌头二钱五分（酒浸，炒），锡灰、大麦芽（用江子炒熟，去江子）各四两，萝卜子一两（用江子炒熟，去江子），江子一两（去油），沉香、木香

各四两，皂角八两（去皮，醋浸，炒）。〔制法〕共研末，酒煮米糊为丸，如梧子大。〔用法〕每服五七丸。常服淡姜汤送下。①伤寒，葱白汤下。②心膈膨胀，新汲水下。③腰痛，牵牛汤下。④咳嗽，乌梅汤下。⑤吐逆，生姜汤下。⑥下元虚冷，好酒下。⑦风热便秘，井花水豆粉调下。⑧脱肛，艾叶汤下。⑨小肠气，茴香汤下。⑩白痢，干姜汤下，⑪赤痢，甘草汤下。⑫妇人血气血昏，当归酒下。⑬经脉不通，红花、当归煎酒送下。⑭血崩，燕子泥汤下。⑮赤白带下，蔓荆子汤下。⑯血块气血，生姜、橘皮煎汤，加醋少许送下。⑰胎前产后，吴茱萸一两，黄酒一升，煎至二沸送下。⑱室女经闭，红花、当归煎酒送下。⑲小儿惊风，一岁一丸，薄荷汤下。⑳脾积，使君子、猪胆、芦荟煎汤送下。㉑奶脾，橘皮汤下。㉒孕妇不可服，忌一切热物。

一苇航海 痘前十八犯之一，此证因儿体质薄弱，身发壮热，干渴恶嗽，疹出未几而痘随出，此与寻常先疹后痘为顺者不同，法宜内托至奇汤之类，补阴清肺，养胃扶脾，惟黄芪最宜禁绝。

一时 一周时，即一日也。《灵枢·玉版篇》：不及一时而死矣。

一抹金 《证治准绳》方。〔功用〕治小儿遍身生疮，溃烂燥痛，浓汁不干。〔药品〕藜芦（净洗，焙）、蛇床子（去埃土）、红丹（水飞）各五钱，硫黄、赤石脂、明白矾（水飞）、五倍子（去虫屑）、黄柏（去粗皮）各二钱五分，轻粉五十粒（后入）。〔用法〕晒焙为末，同轻粉在乳钵再杵匀，用生肥猪膏碎切，以瓦钵和药末烂杵，涂抹患处，或清油调涂。

一抹散 《证治准绳》方。〔功用〕疗干癣不痒。〔药品〕天南星、草乌头各一枚。〔用法〕生研细末，羊蹄根捣绞取汁调涂，不过三次即瘥。

一枝香 山马兰之别名。

一枝梅 吕祖方。〔功用〕治新久诸病生死难定者。〔药品〕雄黄、巴豆仁（不去油）各五钱，五灵脂三钱，银朱一钱五分，蓖麻子仁五分，朱砂（一作三钱）、麝香各三分。〔制法〕各研为细末，于端午日净室中午时共研，加油胭脂为膏，瓷盒收藏，勿经妇人手。〔用法〕每用如芡实大或豆大一饼，贴印堂穴中，点官香一枝，香尽去药，约后一时许，视贴药处有红斑晕色，肿起飞散，谓之红霞棒日，病虽危笃，其人不死，如贴药处一时后不肿不红，皮肉照旧不变，谓之白云漫野，病虽轻浅，其人必死，小儿急慢惊风，一切老幼痢疾，俱可贴之，用过之饼，投入河中。

一枝蒿 山草类。〔形态〕产新疆巴里坤深山中，一枝苗土，气味如蒿，无他枝叶。〔功用〕驱风，理怯，活血，解毒，治一切积滞、沉痼、阴寒等疾。〔杂论〕此物四月采，煎膏用。

一枝箭 ①即兔耳一枝箭。②兔耳草之别名。③石蒜之别名。

一奇散 《六科准绳》方。〔功用〕治产后头痛。〔药品〕当归、川芎各等分。〔用法〕研为细末，每服二钱，清水一盏，煎至七分，温服。

一味子芩丸 黄芩一味为丸，治妇人尿血、风搏、血崩、胎漏等证。

一味百部膏 百部一味所熬之膏。

一味防风丸 防风一味所为之丸。

一味鹿角胶 鹿角一味所熬之胶。

一味黄芪汤 黄芪一味所煎之汤。

- 一味槐角膏 槐角一味所熬之膏。
- 一物瓜蒂散 瓜蒂一味为散服。
- 一物瓜蒂汤 《金匱要略》方。〔功用〕治太阳中喝，身热疼重，脉微弱。〔药品〕瓜蒂十四个（熬，锉）。〔用法〕清水一升，煮取五合，去滓温服，少顷即吐，不吐，或探之，或再服，虚者加参芦三钱。〔杂论〕此为治中暑兼湿之方，盖瓜蒂苦寒，能吐能下，去身面四肢水气，水去则暑解矣。
- 一物独活汤 《小品方》方。〔功用〕治产后中风，体虚者。〔药品〕川独活三两（切细）。〔用法〕清水三升，煮取一升，分服；耐酒者，亦可酒水煮；与白鲜皮合煮之亦得。
- 一舍 日行于一宿之度也。《灵枢·卫气行篇》：日行一舍，夜行一舍。
- 一服散 《沈氏尊生书》方。〔功用〕治天行嗽。〔药品〕大半夏三个，杏仁七个，罂粟壳二个，乌梅二个，阿胶一钱，生姜十片，紫苏十叶，甘草一钱。〔用法〕锉散，清水煎服。
- 一周 ①人身之卫气，以日行于阳经二十五度，夜行于阴经二十五度，共五十度为一周。《灵枢·卫气行篇》：故为一周。②卫气循经而行十六丈二尺之称，即二十五周之一。《灵枢·卫气行篇》：日行一舍，人气行一周，与十分身之八，夜行一舍，人气行于阳藏一周，与十分藏之八。③地位周行一次也。《素问·天元纪大论》：终地纪者，五岁为一周。④天地之气一终也。《素问·天元纪大论》：千四百四十气，凡六十岁而为一周。
- 一备 天气备历一次也。《素问·天元纪大论》：周天气者，六期为一备。
- 一宫 坎位也，主北方。《素问·六元正纪大论》：灾一宫。
- 一封驼 即独峰驼。
- 一章事目科全书 一卷。明·邓苑撰。
- 一脉十变 凡一脏一腑之脉，皆有五脏五腑之邪干犯之而为变也。《难经·十难》：一脉为十变者，何谓也？五藏各有刚柔邪，故令一脉辄变为十也。
- 一胜膏 《证治准绳》方。〔功用〕治痈疽初生。〔药品〕白芷、紫荆皮。〔用法〕研为细末，酒调涂，能令内消。
- 一捏金散 《沈氏尊生书》方。〔功用〕治阴囊奔豚，疝气上冲，脐腹痛。〔药品〕延胡索、川楝肉、全蝎、茴香。〔用法〕研为末，每服二钱，热酒调下。
- 一笔勾 《疡医大全》方。〔药品〕蜻蜓虫三四十条，冰片四分。〔用法〕入罐内化为水，入麻油八两，封口收藏，勿令泄气，初起用笔圈涂毒外四围，频频圈之即消，已成敷满，留顶透气。
- 一笔钩 即一笔消。
- 一笔消 《全生集》方。〔功用〕治疔、发背、诸疔、恶疮、一切无名肿毒。〔药品〕大黄二两，藤黄一两，明矾、蟾酥各五钱，麝香、没药（去油）、乳香（去油）各二钱。〔制法〕用蜗牛打烂作锭，晒干，每锭潮重二分五厘。〔用法〕米醋磨敷，立即消散，白疽忌用。
- 一笔描 周鹤仙方。〔功用〕治一切无名肿毒。〔制法〕四月收取蝌蚪数升，滤干水，装入瓦罐内，加入冰片三四分，泥封罐口，勿令泄气，埋土内六十四日，化为水。〔用法〕以笔蘸水，在患处画一大圈围之，逐渐收小，中间留头，其毒即散。
- 一笑散 ①《六科准绳》方。①〔功用〕治血崩。〔药品〕新绵一握。〔用法〕烧灰，研为细末，空腹

- 时温酒调下。②〔功用〕疗疥癩恶疮。〔药品〕槟榔、藁本、硫黄、蛇床子、枯矾、五倍子、白胶香各等分。〔用法〕研为细末，湿者干搽，干者香油调敷，如疮在头上，便搽上，不用刺，甚者不过三五次，平复如故。③《沈氏尊生书》方。〔功用〕疗疳疔。〔药品〕川椒为末，巴豆一粒。〔用法〕研成膏，饭和为丸，绵裹安蛀孔内，即愈。
- 一候 ①天地人三候之一。《素问·三部九候论》：一候后则病。②外感病至七日之久也。详〔候〕条。
- 一得集 三卷。清·释心禅撰。上卷为诸论，中下卷为治案。
- 一麻 蛇头抓草之只有一根者。
- 一粒金 李东垣方。〔功用〕治偏头风。〔药品〕白芷、川芎、芫荽（猪肉汁拌匀，入胆内悬，待阴干用）、玄胡索、青黛各一两。〔制法〕共研细末，无根水为丸。〔用法〕每用一丸，无根水化开，搐入鼻内，外以铜钱咬口内出涎。
- 一粒金丹 ①杂草类。〔形态〕处处有之，叶似牡丹而小，根长二三寸，春开小紫花成穗，似柳穿鱼，结子在枝节间，生青老黄，大如豆，其根下有结粒，年深者大如指，小者如豆，落地复生小枝。〔子〕可疗疾（一种黄花者，乃蒿属，根上亦无子，不可误用），详本条。②《六科准绳》方。①〔功用〕治痈肿、恶疮、无名肿毒，及中搭手之寒实不渴便燥者。〔药品〕木香、沉香、乳香各五分，巴豆霜一钱五分。〔制法〕研为细末，和匀，肥胶枣二个半，去皮核，捣烂和丸，如欠实大。〔用法〕每服一丸，细嚼，白滚水一口送下，少顷再饮白滚水一口，即泻一次，若饮滚水二口，即泻二次，遇胃气壮实兼毒滞盛者，服药后连饮滚水三四口，即泻三四次，不可太过，毒滞泻尽，即以米饮补之。②〔功用〕治腰膝风走注疼痛。〔药品〕草乌头（锉，炒）、五灵脂各一两，地龙（去土，炒）、木鳖子（去壳）各五钱，白胶香（另研）一两，细墨（煨）、乳香（另研）各五钱，没药（另研）、当归（去芦）各一两，麝香（另研）一两。〔制法〕研为细末，水煮糯米糊和丸，如梧桐子大。〔用法〕每服二丸至三丸，温酒送下，服后遍身微汗为效。③〔功用〕治小儿五脏蕴热、胸膜烦闷，五心烦热。〔药品〕人参、犀角、玳瑁、琥珀、防风各一钱，茯苓、寒水石（煨）、甘草各二钱，龙脑、朱砂（水飞）各五分。〔制法〕研为细末，加麝香五分，陈米饭糊为丸，如芡实大，金箔二十五片为衣。〔用法〕每服一丸，麦门冬（去心）煎汤送下。④〔功用〕治痘毒，及痘黑陷倒靥，干枯不起。〔药品〕胆脂、原蚕蛾、冰片各二分，鸦片三分，麝香一分。〔制法〕研为细末，滴水和丸。〔用法〕熟汤送下。〔杂论〕此方治危急痘证，甚妙。⑤《疡医大全》方。〔功用〕治鱼鳞风、蟬曳风。〔药品〕白胶香三两五钱，京墨、紫背浮萍、阿胶各二两五钱，五灵脂、草乌头（炒）各二两，番木鳖五钱，当归、乳香、没药各七分五厘，地龙、麝香各二分五厘。〔制法〕研为末，用麻黄二两煎汁，煮大米饭为丸，如龙眼核大，朱砂为衣。〔用法〕每服一丸，温酒送下，以有黑汗从脚底心出为验。⑥验方。〔功用〕治小儿哑惊风，痰壅发热喘促，及急慢惊风，搐搦痉厥。〔药品〕天竹黄二钱，明雄黄、朱砂（飞）、僵蚕各一钱，陈胆星四钱，麝香、犀角各四分，血琥珀六分。〔制法〕共研末，用甘草二钱，钩藤钩一两，煎浓膏，和化胆星，打和为丸。如梧桐子大，

朱砂为衣，加金箔十张。〔用法〕每服一丸，灯心、薄荷泡汤化下。

一**粒金丹子** 〔功用〕去风气，治风痹、闪挫腰痛、天蛇毒、鸦翅毒、便毒，疗痈肿、瘰癧、肿毒初起（捣汁，陈酒和服）、火丹（捣敷）、跌打损伤。〔杂论〕此物生根上者用。

一**粒珠** 一粒珠丸之简称。

一**粒珠丸** 验方。〔功用〕治一切无名肿毒、痈疽、发背，及小儿惊风。〔药品〕穿山甲一具（约重十六两，分四片，用麻油、米醋、苏合香、松萝茶四样各制一次），犀黄三钱，珍珠、麝香各二钱，梅花冰片、朱砂、雄黄各四钱（各取净粉）（一方有蟾酥）。〔制法〕研为细末，用人乳拌米粉打浆为丸，每丸潮重四分五厘，外用蜡壳封固。〔用法〕肿毒等证，每服一丸，人乳汁化开，陈酒冲服，睡卧避风；小儿惊风，每服半丸，用钩藤、橘红、泡汤化下。〔杂论〕此方药贵力猛，为外科要证所必用。

一**粒笑** 徐氏方。〔功用〕治一切牙痛浮肿。〔药品〕五灵脂、麝香各一钱，蟾酥二钱。〔制法〕先将二味研末，蟾酥烱化，作粒如麦子大。〔用法〕每用少许，嵌于患处，痛立止。如虚火牙痛，止后接服知柏八味丸，老人服还少丹。

一**捻红** 山茶的一种。

一**捻金** ①萧存敬方，即愈风散用古老钱煎汤也，治详〔愈风散〕条。②《证治准绳》方。〔功用〕治眼睛痛。〔药品〕乳香、没药、黄连、雄黄、盆硝各等分（一方加片脑、麝香各少许）。〔用法〕研为细末，搐入鼻内。③《医宗金鉴》方。〔功用〕治丹毒。唇焦便秘。〔药品〕人参、大黄、黑丑、白丑、槟榔各等分。〔用法〕研为细末，每服一字，蜜水调下。

一**捻金丸** 《六科准绳》方。〔功用〕治阴疮。〔药品〕玄胡索、舶上茴香、吴茱萸（炒）、川楝子（去核）、青木香各二两。〔制法〕研为末，粳米饭糊和丸，如梧桐子大。〔用法〕每服三十五丸，空腹时木通汤送下；又用梅花脑子五分，铁孕粉一钱，水调刷上；如阴畔生疮，以凉血饮每服三钱，加凌霄花少许，清水煎，空腹时服。

一**捻金散** 《六科准绳》方。〔功用〕治小儿重舌、木舌。〔药品〕雄黄二钱，硼砂一钱，脑子少许，甘草五分。〔用法〕研为细末，干掺，或用蜜汤调，鹅翎刷咽。

一**黄散** 《证治准绳》方。〔功用〕疗打扑伤痕紫黑，瘀血流注，有热者。〔药品〕大黄不拘多少。〔用法〕研为末，姜汁调，温敷。

一**匙金** 《沈氏尊生书》方。〔功用〕治小儿疹后风，

及痘后脱痂风。〔药品〕白花蛇（去骨刺，炒褐色）三分，人指甲一分五厘（炒黄色）。〔用法〕研为细末，用透骨草、麻黄各三钱，入水酒各半杯，煎三沸，去渣调下，盖卧微汗即愈，如儿小，分用三服。

一**绿散** 《六科准绳》方。〔功用〕疗损伤目胞、赤肿疼痛。〔药品〕芙蓉叶、生地黄各等分。〔用法〕捣烂，敷贴，或研为末，鸡子清调匀敷之。

一**腊** 小儿初生七日内之称。

一**提金** 伤寒一提金之简称。

一**紫散** 《证治准绳》方。〔功用〕疗损伤眼胞，青黑紫色肿痛。〔药品〕紫金皮（童便浸七日，晒干，余处伤不用制）、生地黄各等分。〔用法〕捣烂，茶清调匀，敷贴。

一**数** 刻漏一百刻之数。《灵枢·五十营篇》：所谓交通者，并行一数也。

一**煎散** 《医宗金鉴》方。〔功用〕治脏毒之属于阳证，及在肛门外者。〔药品〕当归尾、穿山甲（炙研）、甘草、桃仁泥、皂角刺各二钱，川黄连一钱五分，枳壳（麸炒）、槟榔、天花粉、乌药、赤芍药、生地黄、白芷各一钱，玄明粉、大黄各三钱，红花五分。〔用法〕清水二盅，浸一宿，次早煎一滚，空腹时服，俟大便行三四次，以稀粥补之。

一**滴金** 一滴金丸之简称。

一**滴金丸** 《奇效方》方。〔功用〕治首风、偏正头风。〔药品〕人中白（煅）、地龙（晒干）各等分。〔制法〕共研细末，羊胆汁为丸，如芥子大。〔用法〕每用一丸，新汲水一滴，化开滴两鼻中。

一**醉散** 即一醉膏之第一方。

一**醉膏** ①《证治准绳》方。〔功用〕治心病。〔药品〕香油四两，无灰酒二碗，杨柳枝二十条。〔用法〕先将无灰酒、香油和匀，用柳条逐条搅一二百下，候香油与酒相入成膏，煎至八分灌之，熟睡迨醒，或吐或下即安。②《沈氏尊生书》方。〔功用〕治痈疽、发背、乳痈初起。〔药品〕甘草五钱，没药二钱五分，瓜蒌一个（去皮，研烂）。〔用法〕黄酒三碗，煎至一碗半，分温二服，重者再进一服，以瘥为度，或加当归、白芷、乳香尤妙，如要宣毒，加皂角刺一钱。

乙 《灵枢·阴阳系日月篇》：乙主左手之太阳。

乙**癸同源** 乙属木，属肝，癸属水，属肾，真阴衰而肾水涸，不能养肝，则有肝气肝阳肝风诸证，肾水充足，则各种肝病自除，因肝肾之关系最切，故曰乙癸同源，治肝病者，必兼滋肾以培其本，方能奏效。

二 画

二十岁 《灵枢·天年篇》：人生二十岁，血气始盛，肌肉方长，故好趋。

二十七气 《灵枢·九针十二原篇》：经脉十二，络脉十五，凡二十七气。〔又〕二十七气所行，皆在五腧也。

二十八脉 十二经脉左右相同，合之阳脉、阴脉、督脉、任脉，为二十八也。《灵枢·五十营篇》：人经脉上下左右前后二十八脉。

二十八会 经脉也，手足十二经左右相同，加两蹻督任，共为二十八会。《灵枢·玉版篇》：经脉二十八

会，尽有周纪。

二十三蒸 肺蒸、皮蒸、肤蒸、气蒸、大肠蒸、脉蒸、心蒸、血蒸、小肠蒸、脾蒸、肉蒸、胃蒸、肝蒸、筋蒸、胆蒸、三焦蒸、肾蒸、脑蒸、髓蒸、骨蒸、内蒸、胞蒸、膀胱蒸也。

二十四步 四年也，地绕天一周六分之一为一步，每年约六步，每步六十度。《素问·六微旨大论》：故二十四步，积盈百刻而成日也。

二十五人 金木水火土五形之人，全者一而偏者四，合之为二十五种人也。《灵枢·阴阳二十五人篇》：异其五形之人，而二十五人具矣。

二十五周 卫气行于人身之度也。《灵枢·卫气行篇》：昼日行于阳二十五周，夜行于阴二十五周。

二十五变 ①五脏各有小大高下坚脆端正偏倾之异也，五五则为二十五变。《灵枢·本藏篇》：凡此二十五变者，人之所苦常病也。②五形之人，全者一，偏者四（即太少左右），合计之凡五五二十五等之变异也。《灵枢·阴阳二十五人篇》：五形之人二十五变者，众之所以相欺者是也。

二十五味药 《六科准绳》方。〔功用〕治颠扑损伤，骨碎骨折，筋断刺痛。〔药品〕白芷（醋炒）、紫金皮（醋炒）、破故纸（醋炒）、刘寄奴、当归（盐炒）、赤芍药（米泔浸）、黑牵牛、牛膝（茶水浸）、生地黄（盐水浸，炒）、川芎、乳香、没药、木通、自然铜（骨不碎不用，临好时用）、草乌（醋炒，孕妇不用）、木香、川乌（火煨，孕妇不用）、羌活、藿香、骨碎补、木贼、官桂、独活各一两，熟地黄（盐水炒）、土牛膝（茶水炒）各五钱。〔制法〕研为末，炼蜜和丸，如弹子大，黄丹为衣。〔用法〕凡被颠扑损伤，金刃箭镞，不问轻重，每服一丸，温酒磨化下，或细嚼酒送下，如被刀伤全断内损重者，以薄荷汤或木瓜汤、姜汤、灯心汤皆可服，病在上食后、病在下食前、在中者不拘时服，老人骨髓冷，宜加当归、川芎、川乌、木香、丁香、人参各五钱，去赤芍药、生地黄，金刃伤挫白者，去自然铜，骨碎骨折者用之。

二丁丸 《六科准绳》方。〔功用〕治小儿乳癖、食癖、疳热。〔药品〕白丁香五钱，丁香、密陀僧各一两，韶粉一钱，硫黄三钱。〔制法〕研为细末，水煮米糊和丸，如小豆大。〔用法〕三岁儿每服十丸，日哺时米饮送下，乳饮者乳汁送下，次日当有恶物泻出，热即随退，如加黄芩尿一钱，尤妙。

二之气 一年中第二次之主气，于时为春分至立夏末六十日八十七刻半，在六气之中属暑，见《素问·六微旨大论》及《六元正纪大论》。

二千 天干有刚柔之别，甲丙戊庚壬为刚，乙丁己辛癸为柔。《素问·刺法论》：刚柔二千，失守其位。

二子消毒散 《医宗金鉴》方。〔功用〕治杨梅下疳。〔药品〕皂角子、肥皂子各七个，土茯苓八两，猪脂（切碎）二两，杏仁（炒去皮尖）、僵蚕（炒）、蝉蜕各七个，牛膝、荆芥、防风各一钱，金银花三钱，猪牙皂荚一条。〔用法〕清水八碗，煎至三碗，分作三服。如结毒服三七日自愈；袖口疳，加黄柏一钱，倍肥皂子；杨梅疳，加薏苡仁、皂荚刺各一钱，侧柏叶、绿豆、糯米各三钱；杨梅内疳，加海金沙、五加皮、白牵牛各一钱五分。

二火 君火相火也，少阴为君火，少阳为相火，以其居火位而不行令，故曰君火，居火位而行令，故曰相火。《素问·六微旨大论》：君位臣则顺，臣位君则逆，逆则其病近，其害速，顺则其病远，其害微，

所谓二火也。①心肺二阳脏也。《素问·示从容论》：夫二火不胜三水，是以脉乱无常也。

二贝丸 萧纯源方。〔功用〕治痰病。〔药品〕大贝母、紫贝天葵各二两，海藻、海粉、明矾各一两，朱砂七钱。〔制法〕研为细末，用夏枯草二斤，熬膏为丸，如梧桐子大。〔用法〕每服三钱，临卧时茶清送下。

二气丹 ①《济生方》方。〔功用〕治伏暑伤冷，二气交错，中脘痞结，或泻或呕。〔药品〕硝石、硫黄各等分。〔制法〕研为末，于银石器内，炒令黄色，再研，糯米糊为丸，如梧桐子大。〔用法〕每服四十丸（一作三十五丸），不拘时新井水送下。②《六科准绳》方。〔功用〕助阳，退阴，正气，和中，治内虚里寒，冷气攻心，胁腹满痛，呕吐泄利自汗，小便不禁，阳气渐微，手足厥冷，及伤寒阴证，霍乱转筋，久下冷痢，少气羸困，一切虚寒病冷。〔药品〕硫黄（细研）、肉桂（去粗皮）各二钱五分，干姜（泡）、朱砂（另研，为衣）各二钱，黑附子（大者一枚，去皮脐泡裂）五钱。〔制法〕研为细末，和匀，水煮面糊为丸，如梧桐子大，朱砂为衣。〔用法〕每服三十丸，空腹时艾叶、青盐、煎汤送下。

二气砂 灵砂之别名。

二仁丸 《证治准绳》方。〔功用〕治虚人老人风秘，不可服峻药者。〔药品〕杏仁（去皮尖，麸炒黄，另研）、麻仁（另研）、枳壳（去瓢，麸炒赤）、诃子（慢火炒，捣去核）各等分。〔制法〕共研末，炼蜜为丸，如梧桐子大。〔用法〕每服三十丸，熟汤送下。

二分晰义 清·陈良佐撰。

二丹丸 《证治准绳》方。〔功用〕治健忘，养神，定志，和血，安神，清中，外华腠理。〔药品〕天门冬（去心）、熟地黄、丹参各一两五钱，白茯苓（去皮）、麦门冬（去心）、甘草各一两，远志（去心）、人参（去芦）各五钱。〔制法〕研为细末，炼蜜和丸，如梧桐子大，朱砂五钱（研极细）为衣。〔用法〕每服五十丸，加至一百丸，空腹时煎愈风汤送下。〔杂论〕此方为安神清中之剂。

二甘汤 《沈氏尊生书》方。〔功用〕治胃虚不能纳谷。〔药品〕生甘草、炙甘草、五味子、乌梅各等分。〔用法〕研为末，每服五钱，加生姜二片，大枣一枚，清水煎服。

二节 阴茎与睾丸也。《灵枢·邪客篇》：女子不足二节，能抱人形。

二朮 苍朮、白朮也。

二朮散 《六科准绳》方。〔功用〕去翳障，治睑硬睛疼。〔药品〕苍朮（米泔浸，炒）、白朮（土炒）、蝉退（去头足）、龙胆草（酒洗，炒）、黄连（酒洗，炒）、枸杞子（焙干）、牡丹皮、地骨皮各等分。〔用法〕研为细末，每服一钱，食后荆芥汤调下。

二术二陈汤 《张氏医通》方。〔功用〕治肺虚痰食不运。〔药品〕二陈汤加生白朮（姜汁拌，晒）、茅山苍朮（麻油拌，炒）。〔用法〕与二陈汤同。

二石散 《沈氏尊生书》方。〔功用〕治女劳疸。〔药品〕滑石、石膏各等分。〔用法〕研为末，每服方寸匕，大麦汁送下，每日三次，小便大利即愈，如腹满者不治。

二龙戏珠 推拿法之一。以右手大食中三指，捏儿肝肺二指，左大食中三指，捏儿阴阳二穴，上捏至曲池为止，共五次，热证阴捏重而阳捏轻，实证阳捏

重而阴捏轻，再捏阴阳肝肺二指，摇摆二九或三九次。

二甲复脉汤 《温病条辨》方。〔功用〕治温病热邪，深入下焦，脉沉数，舌干齿黑，手足蠕动。〔药品〕复脉汤加生牡蛎五钱，生鳖甲八钱。〔用法〕与复脉汤同。

二生散 《疡医大全》方。〔功用〕治喉闭乳痈、恶疮。〔药品〕生明矾、生雄黄各等分。〔用法〕研为极细末，喉闭则日吹三次，吐出毒水，疮毒则米醋或凉水调敷。

二生膏 《医鉴》方。〔功用〕治伤筋损骨。〔药品〕生地黄一斤，生姜四两。〔用法〕捣烂，入酒糟一斤，炒热，布裹患处熨之。

二白丸 《医垒元戎》方。〔功用〕治小儿痰湿生虫。〔药品〕白矾一块（约一两）。〔制法〕用生蒸饼裹，煮熟去皮，入轻粉一字或五分，为丸，如梧桐子大。〔用法〕每服二三十丸，生姜汤送下。

二白穴 在掌后横纹中，直上四寸，有二穴：一在筋内两筋间，即间使后一寸；一在筋后，与筋内之穴相接。左右手共四穴。主治痔疮、脱肛。

二仙丹 《疡医大全》方。①〔功用〕治瘰癧。〔药品〕枳壳一斤（每个切两开，去穰，入去翅足斑猫七个，仍将两片合住，以线十字扎紧，用上好醋浸足七天，再以醋煮五炷香，必要多加好醋，煮透冷定，解去线，拣去斑猫，只将枳壳切片阴干），紫背天葵一斤（如无，以九头狮子草代之）。〔制法〕研为细末，将煮枳壳之余醋打糊为丸，如梧桐子大。〔用法〕每服五十丸，温酒或熟汤送下，早晚各一服，未出头者自消，已出头者用膏贴之，自愈。②〔功用〕治发背初起。〔药品〕穿山甲七片，牛皮胶四两。〔用法〕同放新瓦上，烧存性研细，好酒调下，任意饮醉，出汗为度。

二仙饮 《证治准绳》方。〔功用〕治诸症。〔药品〕青蒿（去梗，五月五日采，晒干）二两，桂枝（去粗皮）五钱。〔用法〕锉焙为细末，每服一钱，寒热未发前，或先隔晚凉酒调下。

二仙胶 《沈氏尊生书》方。〔功用〕治骨蒸、遗精。〔药品〕鹿角胶、龟版胶、人参、枸杞子。〔用法〕研为末，温酒调下。

二仙散 ①黄宾江方。〔功用〕治发背、痈疽，未成已成，未溃已溃，痛不可忍者。〔药品〕白芷（未溃用一两，已溃用五钱）、贝母（未溃用五钱，已溃用一两）。〔用法〕水酒各半煎服。②即茶调散之第一方。

二冬 麦门冬、天门冬也。

二冬膏 《张氏医通》方。〔功用〕治肺胃燥热，痰涎咳嗽。〔药品〕天门冬（去心）、麦门冬（去心）各等分。〔用法〕熬膏，炼白蜜收，不时噙热咽之。〔杂论〕二冬皆禀少阴水精之气，麦冬禀水精而上通于阳明，天冬禀水精而上通于太阳，夫冬主闭藏，门主开转，咸名门冬者，俱能开转闭藏而上达，合二冬制熬成膏，消痰润肺，生脉清心，久服则肾固气平，体健身轻，不老不饥，为益非浅。

二圣丸 ①钱乙方。〔功用〕治小儿泄泻，羸瘦成疳。〔药品〕黄连（去须）、黄柏（去粗皮）各一两。〔制法〕研为细末，入猪胆内，汤煮熟，捣和为丸，如绿豆大。〔用法〕每服二三十丸，不拘时米饮送下，量儿大小加减。②《六科准绳》方。〔功用〕消谷，逐水，下气，去风，治腹内诸虫。〔药品〕槟榔一两，巴豆十五粒（大好者，去壳膜心，存油）。

〔制法〕先以槟榔锉晒为末，巴豆碎切，在乳钵内杵极细，乃入槟榔末，同杵匀，水煮面糊为丸，如绿豆大。〔用法〕每服七十七丸至九十九丸，五更初空腹时，温茶清陆续送下，见虫下尽，便止药，进以稀粥自安。

二圣散 ①《病机气宜保命集》方。〔功用〕疏风，和血。〔药品〕大黄五钱，皂角刺三钱。〔用法〕先以皂角刺烧灰，研为细末，每服二钱，即用地黄煎汤调下，早服桦皮散，中以升麻汤下泻青丸，晚服此散，为缓治。②《六科准绳》方。①〔功用〕治风痰壅闭，语音不出，气促喘闷，手足动摇。〔药品〕诃子（大者，半生半炙，去核）十枚，大腹皮（洗净，焙干）五钱。〔用法〕锉散，每服二钱，清水一盏，煎至七分，不拘时温服。②〔功用〕治耳出脓水。〔药品〕羌活、白附子（炮）各一两。〔制法〕研为细末，用猪羊肾各一双，切开，每双入药末五分，不得著盐，湿纸裹煨熟。〔用法〕五更初温酒嚼下，吃粥压之。③〔功用〕疗疔。〔药品〕雄黄二钱，紫草三钱。〔用法〕研为末，先以针挑破，然后和油脂调点之。④《疡医大全》方。〔功用〕治痧痘咽喉肿痛。〔药品〕白僵蚕二钱，苦参三钱。〔用法〕研为细末，吹入患处，三四次即肿消痛止。⑤即蓝根散之第一方。

二圣救苦丹 《医宗金鉴》方。①〔功用〕治时气头痛壮热。〔药品〕生大黄一斤，猪牙皂荚（去皮弦，微炒）四两。〔制法〕研为末，和匀，水泛丸。〔用法〕每服三钱，无根水送下，弱者减服。〔杂论〕此方用法，与水解散同，但一则治冬疫，一则治春疫，盖冬疫多寒，非表里双解不可，春疫多热，但泄其里已足，故水解散为治冬疫之主方，此为治春疫之主方，方中以大黄泄其热，皂荚开其闭，扼要而治，病可去矣。②〔功用〕治感冒风寒。〔药品〕紫苏叶四两，陈皮二两，茅山龙二两，葛根四两，当归三两，防风三两，甘草一两，白芷三两，羌活四两，黄芩三两，川芎二两，细辛一两，香附三两。〔制法〕共研细末，水泛为丸。〔用法〕每服一二钱，绿豆汤送下。

二母丸 即二母散之药品作丸服。

二母汤 《证治准绳》方。〔功用〕治肺劳实热，面目浮肿，咳嗽喘急，烦热颊赤，骨节多痛，乍寒乍热。〔药品〕知母、贝母（去心膜）、杏仁（去皮尖，炒）、甜葶苈（炒）、甘草（炙）各五钱，半夏（制）、秦艽、橘红各一两。〔用法〕每服四钱，清水一盏，加生姜五片同煎，不拘时温服。

二母散 ①《太平惠民和剂局方》方。〔功用〕治阴虚咳嗽。〔药品〕知母、贝母各等分。〔用法〕每服五钱，清水二盏，加生姜三片，煎至八分，不拘时温服。②即知母饮之第三第四方。

二母宁嗽汤 《沈氏尊生书》方。〔功用〕治食嗽。〔药品〕知母、贝母各一钱五分，石膏二钱，山栀子、黄芩各一钱二分，瓜蒌仁、赤茯苓、桑白皮、陈皮各一钱，枳实七分，甘草二分，五味子十粒。〔用法〕加生姜二片，清水煎服。

二次脉 犹言第二行之脉。《灵枢·本输篇》：二次脉，手阳明也，名曰扶突。

二地 生地黄、熟地黄也。

二灰散 《六科准绳》方。〔功用〕治伤寒阴阳易。〔药品〕手足指甲二十片（男病用女，女病用男），中衣裆一片（近隐处者，男病用女，女病用男）。〔用法〕烧灰研细，分三服，不拘时温酒或米汤调

下。

二至丸 《六科准绳》方。〔功用〕治老人肾虚腰痛，头旋眼黑，下体痿软。⊙〔药品〕附子（泡去皮脐，一作一枚）、桂心（不见火）、杜仲（去皮，锉，盐酒炒去丝，一作二两）、补骨脂（炒，一作二两）各一两，鹿茸五钱（酒炙，一作酥炙一具），麋茸二两（镑，一作酥炙一具）。〔制法〕研为细末，青盐五钱，热酒中化，去沙土，入鹿角二两（镑，一作鹿角胶一两），酒煮，米糊为丸，如梧桐子大。〔用法〕每服七十丸，空腹时盐汤或醇酒同胡桃肉一枚，细嚼送下，恶热去附子，加肉苁蓉、龟版胶各一两，倍杜仲、补骨脂。〔杂论〕此方鹿麋二茸并用，故名二至，加以桂、附、杜仲、补骨脂，峻温肾肝，允为调补下元要药。⊙〔药品〕女贞子不拘多少（冬至日采，阴干，蜜酒拌蒸，过一夜，粗袋擦去皮，晒干为末，瓦瓶收贮，或先熬膏，早莲膏旋配用），早莲草不拘多少（夏至日采，捣汁熬膏）。〔制法〕九蒸九晒，研为细末，炼蜜和丸，或加桑椹干为丸，或加桑椹熬膏和入。〔用法〕每服七十丸，空腹时核桃肉细嚼，淡盐汤或盐酒送下。

二尖 青笋干之别名。

二合 十二经脉中之第二相合者，指足肝经与胆经而言。《灵枢·经别篇》：此为二合也。

二阳 《素问·阴阳类论》：二阳为维。所谓二阳者，阳明也，至手太阴，弦而沉急不鼓，炅至以病皆死。

二阳病 精少血衰也。《素问·阴阳别论》：二阳之病发心脾，有不得隐曲，女子不月，其传为风消，其传为息贲者，死不治。按：二阳为手阳明大肠足阳明胃，盖肠胃发病，心脾受之，心主血，今受病，则失所主而血不流，脾主化食作味，输于脏腑而成精，今受病，则失所主而味不化，故男子少精，女子不月也。〔治法〕男子宜菟丝子丸、鹿胎丸之属，女子宜逍遥散或加味逍遥散之属。

二阳一阴 ⊙阳明与厥阴也。《素问·阴阳类论》：二阳一阴，阳明主病，不胜一阴，脉软而动，九窍皆沉。⊙刺阳经二次阴经一次也。《灵枢·终始篇》：刺寒厥者，二阳一阴。

二阳三阴 阳明与太阴也。《素问·阴阳类论》：二阳三阴，至阴皆在，阴不过阳，阳气不能止阴，阴阳并绝，浮为血瘕，沉为脓附。

二阴 ⊙少阴也。《素问·大奇论》：二阴急，为痛厥。《阴阳类论》：二阴至肺，其气归膀胱，外连脾胃。⊙前阴后阴也。《素问·金匱真言论》：开窍于二阴。《五常政大论》：肾主二阴。

二阴一阳 ⊙少阴与少阳也。《素问·阴阳类论》：二阴一阳病出于肾，阴气客游于心，腕下空窍，堤闭塞不通。⊙刺阴经二次阳经一次也。《灵枢·终始篇》：刺热厥者二阴一阳。

二阴二阳 少阴与阳明也。《素问·阴阳类论》：二阴二阳病在肺，少阴脉沉，胜肺伤脾，外伤四支，二阴二阳皆交至，病在肾，骂詈妄行，颠疾为狂。

二沥汤 竹沥、荆沥和服。

二辛煎 《疡医大全》方。〔功用〕治阳明胃火，牙龈口舌肿痛。〔药品〕北细辛三钱，石膏一两。〔用法〕清水二碗，煎至一碗，乘热频漱，后搽三香散，或仍服清胃等剂。

二间穴 《灵枢·本输篇》：大肠上合手阳明，溜于本节之前二间，为荣。按：此穴属手阳明大肠经，在食指本节前，内侧陷中，主喉痹、额肿、肩背痛、振寒、鼻衄、衄血、多惊、齿痛、目黄、口干、口

咽、急食不通、伤寒水结。《铜人》：针三分，留六呼，灸三壮，实者由此泻之。

二花散 《证治准绳》方。〔功用〕治小儿痘疹，已出未出，不发不起，隐在皮肤之间，兼治热证。〔药品〕梅花（阴干）一两，桃花（阴干）、丝瓜（阴干）各五钱，朱砂（水飞过）二钱，甘草一钱（去皮，火煨）。〔用法〕研为细末，每服五分五厘，痘未出时蜜汤调下。

二豆散 《六科准绳》方。〔功用〕治耳鸣心躁，腰痛脚重，腹鸣虚冷，频下白水，如瘡漏。〔药品〕白豆蔻、肉豆蔻、丁香、白茯苓、巴戟天、丁香皮、苍朮、黑附子（火煨）、桂心各一两，人参、白朮、山药、桔梗、茴香、粉草各五钱。〔用法〕锉碎，每服三钱，清水一盞半，加生姜、紫苏叶各三片，煎至七分，去滓，空腹时温服。

二皂饮 沈员峤方。〔功用〕治杨梅疮。〔药品〕肥皂子（独核者）二十粒，皂荚子三十粒，苦参、金银花各一两。〔用法〕河水碗半，井水碗半，煎一碗，露一宿，次早空腹时热服，其毒自消。

二肝丹 《六科准绳》方。〔功用〕治小儿无辜疳痢。〔药品〕地胆草、菖蒲（九节者一寸）、漏芦各一两，胡黄连、地榆各五钱，鸡肝（薄切）、猪肝各一两。〔制法〕除鸡猪肝外，均捣罗为细末，同入盐少许，清水煮肝熟为度，于石臼中捣一二百下，成膏和丸，如黍米大。〔用法〕每服十丸，食前麝香汤下，量儿大小加減。

二灵丹 《疡医大全》方。〔功用〕治下疳初起流脓。〔药品〕孩儿茶一钱，冰片三分。〔用法〕研匀先用冷茶或甘草汤洗净患处，搽干，以鸡翎蘸扫之。

二陈丸 《太平惠民和剂局方》方。〔功用〕治一切痰饮为病，咳嗽胀满，呕吐恶心，头眩心悸，或中脘不快，或食生冷，饮酒过度，脾胃不和。〔药品〕半夏（姜制）二两，甘草（炙）五钱，广皮、茯苓各一两。〔制法〕研为细末，姜汁泛丸。〔用法〕每服三钱，熟汤送下。

二陈汤 ⊙《太平惠民和剂局方》方。〔功用〕治胃中寒湿痰浊等证。〔药品〕陈皮（去白；胁下引痛，醋炒；干咳，蜜制）、半夏（生姜汁制；热痰，竹沥制；妊娠恶阻，醋制）、茯苓（停饮心悸，桂枝煎酒制）各二钱，甘草一钱（炙；痞胀，砂仁汁制），生姜七片（咳逆痰结，蜜煎），乌梅肉一个（泻利，炒焦）（一方无生姜、乌梅）。〔用法〕清水煎，去滓，空腹时温热服。①燥痰减半夏、生姜，加麦门冬、竹沥。②郁痰干咳，去半夏，加川贝母。③火痰，加黄连、竹茹。④老痰，加蛤粉、海石。⑤妇女经病，去乌梅，加大枣。〔杂论〕此方以半夏和胃，陈皮理气，茯苓佐半夏以燥湿，甘草佐陈皮调和之，乌梅收津，生姜豁痰，上下左右，无所不宜，洵理脾胃治湿痰之妙剂，然只能治实痰之标，不能治虚痰之本，吐血、消渴、妊娠忌用。⊙验方。〔功用〕治一切红肿痛毒。〔药品〕橘红五钱，半夏、白芥子（研）各二钱，云茯苓一钱五分，甘草一钱。〔用法〕清水煎，去滓温服。

二陈平胃散 《沈氏尊生书》方。〔功用〕治宿食不消。〔药品〕茯苓、陈皮、半夏、甘草、苍朮、厚朴、山楂、神曲、缩砂仁、草果、枳实。〔用法〕清水煎服。壮实者加木香、槟榔、蓬术、枳壳、黄连、大黄、香附、当归。

二陈加枳壳汤 《证治准绳》方。〔功用〕和胃。〔药品〕半夏、茯苓、甘草、陈皮、枳壳各等分。〔用

法〕锉碎，每服三钱，加生姜二片，清水煎服。

二妙丸 朱丹溪方。〔功用〕治湿热，筋骨疼痛痿弱，疮疡等证。〔药品〕黄柏（炒）、苍朮（炒，去皮）各等分。〔制法〕研为末，炼蜜或姜汁和丸，如梧桐子大。〔用法〕每服三钱，熟汤送下。参看〔二妙散〕条。

二妙汤 验方。〔功用〕治一切风湿瘫痪，筋骨疼痛。〔药品〕生甘草、威灵仙各一斤。〔用法〕清水一石，将药煎五六滚，入大缸内，用板凳坐其中，周围用布围住，乘热熏之，待水温，浑身洗透，务使汗出，谨避风寒，即愈。

二妙散 ①朱丹溪方。〔功用〕治下体湿热，筋骨疼痛重肿。〔药品〕黄柏（酒炒，一作姜汁制数次，净）、苍朮（茅山者，去皮切，麻油拌炒，净）各等分。〔用法〕研为末，每服二钱，生姜研入汤煎沸，空腹时调下。痛甚者，以姜汁热辣服之；表实气实者，温酒少许佐之；有气者，加气药；血虚者，加补血药。一法二妙为君，加甘草、羌活各二钱，陈皮、芍药各一钱，威灵仙（酒炒）一钱五分，研为末服，尤佳。②《六科准绳》方。①〔功用〕养肝气，治目昏下泪。〔药品〕当归、熟地黄各等分。〔用法〕研为细末，每服二钱匕，不拘时无灰酒调下。②〔功用〕治马瘰。〔药品〕马蹄香、香圆橘叶。〔用法〕捣烂糟炒，缚之，又用秦椒酒煎。

二妙苍柏散 即二妙散之第一方。

二宝丹 《疡医大全》方。〔功用〕治杨梅结毒。〔药品〕朱砂二钱（透明者，研细，用清水漂去浮红，然后又研，再用清水飞过，去脚晒干，只用净末，一钱五分），滑石一两（刮去黄，研细，入水洗净腐黄色者，晒干又研，水飞数次，至豆青色，取起晒干，再研细，用净末二钱五分）。〔用法〕共研极细，重四钱足，均为十二包，每包三分三厘，每日用土茯苓一斤，以清水洗净，瓷瓦刮去外面黄皮，木槌打碎，先将药末三分三厘，放于砂锅底内，再将土茯苓盖上，入河水四碗半，做一记号，再加井水四碗半，煎至记号处为度，去渣，用新瓦壶盛之，分为三次，早晨午后晚间当茶温服，不可间断，连服十二日即愈，虽后来主育亦无遗毒，食忌如油、盐、酱、醋、茶、酒、糖物，毫不可犯，只可食白水、糙猪肉、青菜梗，煎时忌铁器与阴人手，如初起时，必先食煨羊肉，托毒外出，方食此药，外用菖蒲煎汤洗之。

二宝散 《六科准绳》方。〔功用〕治痘疮色紫，发热鼻衄，小便如血，口渴，谵语，及痘顶色白，肉红肿而痘反不肿，或黑陷不起。〔药品〕犀角、生玳瑁各等分。〔用法〕磨汁频服，即愈；痘顶色白，或黑陷不起，研为末，入猪心血少许，紫草汤调下。

二膏散 《外科正宗》方。〔功用〕治一切阳毒，红肿疼痛焮热，及疫喉遗毒，颈项漫肿。〔药品〕青露三两，青黛、黄柏、白蔹、白薇、白及、白芷、水龙骨、白鲜皮、朴硝各一两，天花粉三两，大黄四两。〔用法〕研为末，醋蜜调敷，已成者留顶，未成者遍敷。

二苓清利饮 《沈氏尊生书》方。〔功用〕补阴。〔药品〕茯苓、猪苓、生地黄、麦门冬、牡蛎、泽泻、甘草、黄芩、黄柏、车前子。〔用法〕清水煎服。

二矾汤 《外科正宗》方。〔功用〕治鹅掌风。〔药品〕白矾、皂矾各四两，孩儿茶五钱，侧柏叶八两。〔用法〕清水十碗，煎数滚，先以桐油搽患处，再

用纸捻桐油，浸透火点，向患处薰片时，次用前汤乘热贮净木桶内，手架桶上，以布将手连桶口盖严，汤气薰手，勿令泄气，待微热，将汤倾入盆内，蘸洗良久，一次即愈，七日内不可见水。

二虎蹲栏 痘夹疹之别称。

二贤散 《六科准绳》方。〔功用〕消积，进食。〔药品〕橘红（净）一斤，甘草四两，盐五钱。〔制法〕清水二十四碗，从早煮至夜，以烂为度，水干则添水，晒干，研为末。〔用法〕淡姜汤调下；有块者加姜黄五钱；气滞加香附二两，同前药煮；气虚者加沉香八两（另入）；噤口痢加莲肉二两（去心，另入）。

二味拔毒散 《医宗金鉴》方。〔功用〕治风湿诸疮，红胀痛痒，及疥痒等疾。〔药品〕雄黄、白矾各等分。〔用法〕研为末，茶清调化，鹅翎蘸扫患处，痒痛自止，红肿即消。

二味桔梗汤 即桔梗汤之第一方。

二味参苏饮 即参苏饮之第二方。

二味黑锡丹 即黑锡丹第一方之第二种。

二物汤 《证治准绳》方。〔药品〕蝉蜕（净洗）二十一枚，甘草（炙）一两。〔用法〕研为末，清水煎服。

二和丹 来复丹之别名

二和汤 《证治准绳》方。〔功用〕消食，扶气。〔药品〕藿香、香附各等分。〔用法〕研为极细末，每服二三钱，滚水放温调下。

二金散 ①《启玄》方。〔功用〕治含腮疮。〔药品〕鸡内金、郁金各等分。〔用法〕研为细末，先用盐浆洗净患处，然后贴之（一作吹之）。②《证治准绳》方。①〔功用〕治急疔毒盛。〔药品〕砒霜一分，麝香五钱。〔制法〕先以砒霜去纸上炒过，后入麝香，同研令细。〔用法〕每用一字，鸡羽掠上，每日二三度，随时去药，无令咽津。②〔功用〕疗热疮。〔药品〕黄连（去须）、黄柏各一钱。〔制法〕捣为粗末，乳汁浸一宿，焙干。〔用法〕每用少许，新绵裹，荆芥汤浸，温热时时洗之。

二参丹 《沈氏尊生书》方。〔功用〕养神，定志，和血，治中风后健忘。〔药品〕人参五钱，丹参、熟地黄、天门冬各一两五钱，茯苓、甘草、麦门冬各一两，远志、朱砂、菖蒲各五钱。〔制法〕研为细末，炼蜜和丸。〔用法〕清晨煎羌活愈风汤送下，或临卧时再以羌活愈风汤送下四白丹。

二参汤 《医宗金鉴》方。〔功用〕治胃经虚火，牙衄。〔药品〕人参、玄参各等分。〔用法〕清水煎，温服。

二浊 赤浊、白浊也。

二活散 《沈氏尊生书》方。〔功用〕通经络，散瘀肿。〔药品〕羌活、独活、当归、乌药、赤芍药、连翘、金银花（酒洗）、天花粉、白芷、甘草节各五钱，红花、苏木、荆芥、蝉蜕、葛根各三钱，檀香二钱。〔用法〕共研为末，每服三钱，苍耳子煎汤调下。

二美散 验方。〔功用〕治脓疥疮。〔药品〕吴茱萸、硫黄各等分。〔用法〕研细如面粉，照合掌散法摩擦，每日二次，愈后再擦三四日。

二姜丸 《证治准绳》方。〔功用〕治疟疾，往来寒热，经久不愈。〔药品〕高良姜（锉片，东壁土炒）、白姜（锉片，巴豆九粒，去壳，同炒微黄，去巴豆）各一两。〔制法〕共研细末，麸猪胆和水煮面糊为丸，如麻仁大，朱砂为衣。〔用法〕热多者，